

Молитвы об усопших  
 Молитвы об усопших  
 Молитвы об усопших  
 Молитвы об усопших  
 Молитвы об усопших

### Послѣдование по исходе душѣ от тѣла

*Изшедшей ѹбо душѣ от тѣла, абие начинаем:*

Молѣтвами святыхъ отецъ нашихъ, Господи Иисусе Христе, Боже наш, помилуй нас. Аминь.

Святый Боже, Святый Крепкий, Святый Безсмертный, помилуй нас. (Трижды.)

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды.)

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

*И поем или чтем тропарѣ,  
глас 4:*

Со дѹхи праведныхъ скончавшихся дѹшу раба Твоего (или: рабы Твоея), Спасе, упокой, сохраняя ю во блаженней жизни, яже у Тебѣ, Человеколюбче.

В покоищи Твоемъ, Господи, идеже вси святїи Твои упокоеваются, упокой и дѹшу раба Твоего (или: рабы Твоея), яко Един еси Человеколюбецъ.

Слава Отцу и Сыну и Святому Духу.

Ты еси Бог, сошедый во ад и ѹзы окованныхъ разрешивый, Сам и дѹшу раба Твоего (или: рабы Твоея) упокой.

И ныне и присно и во веки веков. Аминь.

Едина Чистая и Непорочная Дево, Бога без семени рождающая, моли спастись души его (или: ея).

### Псалом 90

Живый в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи и от словесе мятежна, плещма Своима осенит тя, и под криле его надеешься: оружием обыдет тя истина его. Не убойшия от страха ночнаго, от стрелы летящия во дни, от вещи во тьме преходящия, от сряща и беса полуденнаго. Падет от страны твоея тысяща и тьма одесную тебе, к тебе же не приближится, обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не придет к тебе зло, и рана не приближится телеси твоему, яко Ангелом Своим заповесть о тебе сохрани ти ты во всех путех твоих. На руках возмут тя, да не когда преткнеша о камень ногу твою, на аспида и васи-

лиска наступиши и попереши льва и змия. Яко на Мя упова, и избавлю и, покрыю и, яко позна имя Моё. Воззовет ко Мне, и услышу его, с ним есмь в скорби, измучу его, и прославлю его, долготою дней исполню его, и явлю ему спасение Моё.

*И абие поем или глаголем канон сей за преставльшагося.*

### Глас 8

#### Песнь 1

*Ирмос:* Воду прошед, яко сушу, и египетскаго зла избежав, израильтянин вопияше: Избавителю и Богу нашему поим.

*Припев:* Покой, Господи, душу усопшаго раба Твоего.

Отверз уста моя, Спасе, слово ми подаждь молитися, Милосерде, о ныне преставленном, да покориши душу его, Владыко.

Покой, Господи, душу усопшаго раба Твоего.

Мертв быв плотию, Спасе, и во гробе положен с мертвыми, душу раба Твоего покой в месте злачне, яко Милосерд.

Слава Отцу и Сыну и Святому Духу.

Молѣбный глас мой услыши, Бóже Триипостásне, и учини́ дýшу престáв-  
леннаго в нѣдрех Авраáмлих, Избá-  
вителю.

И ны́не и прѣсно и во вѣки векóв. Амѣнь.

Ты, Пречѣстая Богородице, Егóже  
без искýса мýжеска зачѣнши родила́  
еси́, моли́ Сýна Твоегó подáти покóй  
рабý Твоемý престáвленному.

### Песнь 3

*Ирмос:* Небésнаго крýга Верхотвóрче,  
Гóсподи, и Цѣркве Зиждителю, Ты менé ут-  
верди́ в любви́ Твоей, желáний краю, вѣр-  
ных утверждѣние, Едѣне Человеколýбче.

Покóй, Гóсподи, дýшу усóпшаго раба́  
Твоегó.

В мѣсте злáчне, в мѣсте покóйне,  
идѣже ли́цы святýх веселя́тся, дýшу  
раба́ Твоегó престáвленнаго покóй,  
Христé, Едѣне Мѣлостиве.

Покóй, Гóсподи, дýшу усóпшаго раба́  
Твоегó.

Идѣже ли́цы святýх, тáмо вчини́,  
Владýко, послужѣвшаго Тебé всем  
сѣрдцем и воздвѣгшаго ýго Твое́ на  
рамо свое́, я́ко Едѣн Владýка животá  
и смѣрти.

Слáва Отцý и Сýну и Святóму Дýху.

Небésный Óтче Вседержителю, и  
Сýне Единорóдный, и Дýше Святýй  
Исхóдный, прѣзри умѣршаго согре-  
пѣния и в Цѣркви пѣрвенец всели́  
егó славити́ Тя со все́ми угóждшими  
Тебé.

И ны́не и прѣсно и во вѣки векóв. Амѣнь.

Я́ко Мáти Святáя Пресвятáго Бóга,  
Владýчице вся́ческих, Марѣе Бого-  
рóдице, со все́ми святýми Сегó моли́  
дýшу покóити раба́ Твоегó в Небésных  
селѣниях.

### Песнь 4

*Ирмос:* Услы́шах, Гóсподи, смотрѣния  
Твоегó та́инство, разумѣх делá Твоя́ и про-  
сла́вих Твое́ Божество́.

Покóй, Гóсподи, дýшу усóпшаго раба́  
Твоегó.

Сошѣдый в преиспóдня, Христé,  
совоздвѣгл еси́ умѣршия вся, и пре-  
стáвльшагося от нас покóй, Спáсе,  
я́ко Щедр.

Покóй, Гóсподи, дýшу усóпшаго раба́  
Твоегó.

Никтóже без грехá есть, тóкмо Ты  
Едѣн, Владýко; сегó рáди престáв-  
ленному и грехи́ остáви, и в рай тогó  
всели́.

Слава Отцу и Сыну и Святому Духу.

Услыши, Троице Святая, гласы молебных, приносимых Тебе в церкви о усопшем, и Богоначальным Твоим светом озари душу, омраченную суетными привержениями.

И ныне и присно и во веки веков. Аминь.

Родила еси, Пречистая, без мужеска семени, Бога совершенна и Человека совершенна, вземлющаго грехи наша, Дево. Того моли, Госпоже, преставльшемуся рабу Твоему подати покой.

### Песнь 5

*Ирмос:* Просвети нас повелении Твоими, Господи, и мышцею Твоею высокою Твой мир подаждь нам, Человеколюбче.

Покой, Господи, душу усопшаго раба Твоего.

Имьй живота и смерти власть, преставленнаго от нас покой, Христе Боже. Ты бо еси всех, Спасе, Покой и Живот.

Покой, Господи, душу усопшаго раба Твоего.

На Тя, Спасе, надежду возложь, умерый отыде от нас; Ты же, Господи, ущедри его, яко Бог Многомилостив.

Слава Отцу и Сыну и Святому Духу.

Просвети нас, Трисвяте, воспеваемый Владыко, молящихся Тебе, мир Небесный прияти, и в мирных селех душу вчини, отшедшую от временных, в надежде безконечных жизни.

И ныне и присно и во веки веков. Аминь.

Шуюго стояния, Пречистая, избавити преставленнаго умоли Сына Твоего, Дево Госпоже, яко Спаса и Бога нашего Мати сущая.

### Песнь 6

*Ирмос:* Молитву пролию ко Господу, и Тому возвещу печали моя, яко зол душа моя исполнися, и живот мой аду приближися, и молюся, яко Иона: от тли, Боже, возведи мя.

Покой, Господи, душу усопшаго раба Твоего.

Ада испроверг, Владыко, воскресил еси умершия от века; и ныне преставленнаго от нас в недра Авраамле Ты, Боже, всели, прегрешения вся отпусти, яко Милосерд.

Покой, Господи, душу усопшаго раба Твоего.

Заповедь, юже ми дал еси, Боже, преступих и смертен бых, но Ты,



Бóже, сошэдый во гроб и дúши яже от вéка воскресíвый, не возста́ви мене́, Влады́ко, на мучéние, но на поко́й, преста́вленный вопиéт Тебе́ на́ми, Многомíлостиве.

Сла́ва Отцú и Сы́ну и Свято́му Дúху.

Мо́лим Тя, Безнача́льне О́тче и Сы́не и Дúше Святы́й, злóбою душезлóбнаго мíра озлóбленную и к Тебе́ Жиждíтелю прешэдшую дúшу во áдово дно не отрíни, Бóже, Спа́се мой.

И ны́не и прíсно и во вéки веко́в. Ами́нь.

С Небесе́ Христóс Бог наш, я́ко дождь на рунó, Пречы́стая, снiде на Тя, напая́я весь мир и изсушáя вся безбóжныя пото́ки, наводня́яй всю зéмлю рáзумом Свои́м, Присноде́во. Того́ моли́ дáти поко́й преста́вленному рабú Твоемú.

#### Конда́к, глас 8:

Со святы́ми упоко́й, Христé, дúшу раба́ Твоего́ (*или*: рабы́ Твоея́), иде́же несть болéзнь, ни печáль, ни воздыхáние, но жизнь безконéчная.

#### И́кос:

Сам Еди́н еси́ Безсме́ртный, сотвори́вый и созда́вый челове́ка, земни́й úбо от земли́ созда́хомся и в зéмлю туюжде по́йдем, я́коже повелéл еси́, Созда́вый мя, и рекы́й ми: я́ко зéмля еси́ и в зéмлю оты́деша, áможе вси челове́цы по́йдем, надгробное рыда́ние творя́ще песнь: аллилу́ия, аллилу́ия, аллилу́ия.

#### Песнь 7

*Ирмо́с:* От Иудеи дошэдше, óтроцы в Вавилóне иногда́ véрою Трóическою пла́мень пéчный попра́ша, пою́ще: отце́в Бóже, благословéн еси́.

Покóй, Гóсподи, дúшу усо́пшаго раба́ Твоего́.

Влады́ко Христé Бóже, егда́ хóщещи суди́ти мíру, пощади́ дúшу раба́ Твоего́, егóже от нас прия́л еси́, вопию́щаго: оте́ц на́ших Бóже, благословéн еси́.

Покóй, Гóсподи, дúшу усо́пшаго раба́ Твоего́.

В пи́щи райстей, иде́же пра́ведных дúши веселя́тся послужíвших Тебе́, причти́ с ними́, Христé, дúшу

раба Твоего, воспевшаго: отец наших Боже, благословен еси.

Слава Отцу и Сыну и Святому Духу.

Иудейския три отроки спасий во огни, в трех Лицах воспетый, избави огня вечнаго усопшаго, воспевшаго Ти верно: отец наших Боже, благословен еси.

И ныне и присно и во веки веков. Аминь.

Исаия Тя жезл нарече, Чистая; Даниил же гору несекому; Иезекииль же дверь, из Неяже пройдет Христос; мы же Тя истинную Богородицу именующе величаем.

### Песнь 8

*Ирмос:* Седмерицею пещь халдейский мучитель богочестивым неистовно разжже, силою же лучшею спасены сия виде, Творцу и Избавителю вопияше: отроцы, благословите, священницы, воспойте, людие, превозносите во вся веки.

Покой, Господи, душу усопшаго раба Твоего.

Скончав течение, и к Тебе прибегох, Господи, преставленный вопиет ныне: прегрешения остави, Христэ Боже, и не осуди мене, егда хощеши судити всем, верно бо Тебе взвах: вся дела

Господня, Господа пойте и превозносите Его во веки.

Покой, Господи, душу усопшаго раба Твоего.

Понесшаго, Владыко, иго Твое на раме своем, и бремя Твое легкое, аще и не всегда, обаче в месте преподобных Твоих всели душу его, воспевшаго Тебе, Христэ Спасе: отроцы, благословите, священницы, воспойте, людие, превозносите Его во веки.

Благословим Отца и Сына и Святаго Духа, Господа.

Безначальная Троице Святая, Боже Отче и Сыне и Духе Святыи, в лице святых причти душу преставленнаго раба Твоего, и огня вечнаго избави, да Тя хвалит, воспевая во веки: отроцы, благословите, священницы, воспойте, людие, превозносите Его во веки.

И ныне и присно и во веки веков. Аминь.

Тя, Дево, пророчестии лица пророкоша; прозряще бо Тя прозорливыма очима, ов убо жезл нарече Тя, ин же дверь восточную, ов же гору, человек несекому. Мы же исповедуем Тя воистину Богородицу, Бога всяческих

рождшую, Егóже моли упоко́бити преста́вленнаго во ве́ки вся.

### Песнь 9

*Ирмос:* Ужасе́ся о сем Не́бо, и земли уди́вишася концы́, я́ко Бог яви́ся челове́ком плóтски, и чре́во Твое́ бысть пространнейшее Небес. Тем Тя, Богороди́цу, А́нгелов и челове́к чинонача́лия велича́ют.

Покóй, Го́споди, ду́шу усо́пшаго раба́ Твоего́.

Иисúсе Бо́же мой, Спа́се, Ада́мле Ты взял еси́ преступле́ние и сме́рти вкуси́л еси́, да челове́ки от нея́ свобо́диши, Милосе́рде. Те́мже мо́лим Тя, Милостиве: преста́вленнаго покóй, я́ко Благ, во двóрех святы́х Твои́х, я́ко Еди́н Всеблагий и Милосе́рдый.

Покóй, Го́споди, ду́шу усо́пшаго раба́ Твоего́.

Несть никто́же, Милосе́рде, и́же не согрешí в челове́цах, то́кмо Ты Еди́н, Иисúсе Христé, взéмляй грехи́ всего́ ми́ра. Те́мже, очíстив раба́ Твоего́ от прегрешéний, вчини́ во святы́х Твои́х двóрех, Ты бо живóт еси́ и покóй, и свет, и весéлие всех Тебе́ благоуго́двших.

Сла́ва Отцу́ и Сы́ну и Свято́му Ду́ху.

Удиви́ся все естество́ челове́ческое, ка́ко Безнача́льнаго Отца́ Сын сый Единоро́дный, плоть от Дéвы де́йством Свята́го Ду́ха прия́л еси́, и пострада́л еси́ я́ко челове́к, да умершия оживи́ши. Тем и преста́вленнаго ны́не от нас, приле́жно мо́лим Тя, во странé живы́х, я́ко Благ, всели́.

И ны́не и прísно и во ве́ки веко́в. Ами́нь.

Невэ́сту Тя нарица́ем, Пречи́стая, Отца́ невидимаго, и Ма́терь Сы́на, из Тебе́ Ду́хом Святы́м воплоще́ннаго, и Моле́бницу Тя о усо́пшем рабе́ Твое́м, предлага́ем, Тебе́ бо Помо́щницу има́мы земни́и, и любóвию пою́ще Тя велича́ем.

*Та́же:*

Досто́йно есть я́ко вои́стину блажи́ти Тя, Богороди́цу, Присноблаже́нную и Пренепоро́чную и Ма́терь Бо́га на́шего. Честне́йшую Херувим и сла́внейшую без сравне́ния Серафим, без ислéния Бо́га Сло́ва ро́ждшую, су́щую Богороди́цу, Тя велича́ем.

Святы́й Бо́же, Святы́й Кре́пкий, Святы́й Безсме́ртный, помилуй нас. (Три́жды.)

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Пресвята́я Тро́ице, помѣлуй нас; Го́споди, очѣисти грехѣ на́ша; Влады́ко, прости́ беззаконѣя на́ша; Святы́й, посети́ и исцели́ немо́щи на́ша, ѣмене Твоего́ ра́ди.

Го́споди, помѣлуй. (*Трижды.*)

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Отче наш, Ёже еси́ на Небесѣх! Да святѣтся ѣмя Твое́, да прѣидет Цѣрствѣе Твое́, да бѣдет во́ля Твоя́, ꙗко на Небесѣ, и на землѣ. Хлеб наш насущный даждь нам днесь; и остави нам дол́ги на́ша, ꙗкоже и мы оставляем должникѣм на́шим; и не введѣ нас во искушѣние, но избѣви нас от лука́ваго.

*Тропа́рь, глас 6:*

Еди́н естество́м сый Животво́рец, Христѣ, и блага́сти воистину неизслѣдимая пучѣна, ны́не прѣстѣвльшагося раба́ Твоего́ (*или́: прѣстѣвльшуюся рабу́ Твою́*) Цѣрствѣя Твоего́ сподо-

би, Ты бо Еди́н еси́ имѣѣй мно́жество щедро́т и безсме́ртѣе.

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Источник животá рѣждшая, Влады́чице, Избѣвителя́ ми́ру Исусá Го́спода, Того́ прилѣжно моли́ безконѣчнаго животá прѣстѣвльшагося ны́не раба́ Твоего́ (*или́: прѣстѣвльшуюся ны́не рабу́ Твою́*) сподо́бити: Ты бо христиа́н Еди́на еси́ извѣстнейшая Помо́щница.

*Та́же: Го́споди, помѣлуй. (12 раз.)*

*И моли́тву сѣю:*

Помяни́, Го́споди Бо́же наш, в ве́ре и наде́жди животá вѣчнаго, прѣстѣвльшагося раба́ Твоего́ (*или́: прѣстѣвльшуюся рабу́ Твою́*), брата́ на́шего (*или́: сестру́ на́шу*) (*ѣмя рек*), и ꙗко Благ и Человеколю́бец, отпу́щаѣй грехѣ и потребляѣй неправды, осла́би, остави́ и прости́ вся во́льная его́ (*или́: еѣ*) согрѣшѣния и нево́льная; избѣви́ его́ (*или́: ю́*) вѣчныя му́ки и огня́ геѣнскаго, и да́руй ему́ (*или́: ей*) причѣстѣе и наслаждѣние вѣчных Твоѣх



благих, уготованных любящим Тя; аще бо и согреши, но не отступи от Тебѣ, и несумненно во Отца и Сына и Святаго Духа, Бога Тя в Троице славимаго, верова, и Единицу в Троице и Троицу во Единстве православно даже до послѣдняго своего издыханія исповеда. Тѣмже милостив тому (*или: той*) буди, и веру, яже в Тя, вмѣсто дел вмени, и со святыми Твоими, яко Щедр, упокой, несть бо человека, иже поживет и не согрешит, но Ты Един еси кроме всякаго греха, и правда Твоя, правда во веки, и Ты еси Един Бог милостей и щедрот, и человеколюбия, и Тебѣ славу возсылаем, Отцу и Сыну и Святому Духу, ныне и присно, и во веки веков. Аминь.

Достойно есть яко воистину блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Слава Отцу и Сыну и Святому Духу, и ныне и присно и во веки веков. Аминь.

Господи, помилуй. (*Трижды.*)

Господи Иисусе Христе, Сыне Божий, молитв ради Пречистой Твоей Матере, преподобных и богоносных отец наших и всех святых помилуй нас. Аминь.

*И поем: Вечная память. (Трижды.)*